

# 1 Timoti

<sup>1</sup> Njai Pol, girek en njigire da. Anut sen idsad patud pasek, agod Jesus Kristus in niñen o mala nouk tumado da. In naji ru kagin dupanag go aposel njilasa ya. <sup>2</sup> O Timoti, onsa ilo rumok lo on njaisag nanuk mok a. Girek en onsa na njigane ipalu da. Ak niñen o Anut idsad Tamad, in Jesus Kristus da sad ilo panek, ilo munjanek, agod ilo maror an lo ka mado wa.

## *Pitejanek sewak ak niñen o kagin gane wa*

<sup>3</sup> Saen naji Masedonia na najau o ilog yen an, naji on njurupaioğ Efesus na mado wo ilog yan a. Man dugo, tamolpein aenta pitejanek sewak digane dan ru dabal nam padau dop dumoi a. <sup>4</sup> Rupidaip am wagam ak, agod tubud tamad yanad lo am dupas dan dumoi. Mel an lo ilo saian igane ilasa da. An man Anut san urat lo ibinawai san tia ya. Tia, Anut san urat man ilo rumok lo mi talon a. <sup>5</sup> Kubiaen ru an san fun man an ilom imasap ilo panek an lo ilasap yen a. Ilo panek a bube ikok lo, ilo sou muruan an tia yan lo, agod ilo rumok nunon ak lo ilasa dan niñen o njabol da. <sup>6</sup> Tamolpein aenta kagin uyan an patud dupani an lo kubiaek nunon tia yak digane dugo dal dufurfi da. <sup>7</sup> In Anut san ru kubiaen lo girek manau dumado wo ilod ibol da, gug inşigned ru dubol dan fun ta dulon na ya. Agod mel a tamolpein dupitejanai dan sakar diganeg rumok ak dubol da, ago gug inşed man ru an san fun ta dulon na ya.

<sup>8</sup> Aria, id ago talon ak, kubiaen in man uyan a. Ago yak ninen o id kagin tupani tap, an uyanan a. <sup>9</sup> Id ilod injon banau, kubiaen niganag an tamolpein uyadi ak sadi tia ya. Tia, an man in tamolpein a kubiaen paen na tia yan, in a inaned gurman paed na tia yan, Anut kagin dumoi, aupasek san, gun tia yan, gob adi, in a tinad tamad dufu dumat dan, in a maten digane ilasa dan, <sup>10</sup> a jeit kagin digane dan, tamol sed sed lo ulek kagin digane dan, a tamol digam pe urat pinein didirai dilasa dan, sewak adi, a tumanek lo dutot dan, agod kagin saian aenta a digane dan lo pitenanek uyan ak san ager yen da. <sup>11</sup> Pitenanek uyanan e ninen o nabol man, ru a naisag bilalun uyan ak lo ibol an san dal iri a. Anut per panek san in bilalun girager anda yan nai kagin nupani wo banig lo igane ya.

### *Anut inſan ilo panek Pol ipani a*

<sup>12</sup> Nai Jesus Kristus idsad Tubun ak in mi per nupani da. Man dugo, in nai ikubianag go naisag nao lalek an uyanan ile tag inſan urat biabi ipanag a. <sup>13</sup> Inug mi man nai Jesus ninen o naon nufute na yak, nai inſan tamolpein sad ager tamol numadog nuparfutanai na yak, agod ru saian saian nam nupweig numisilani na ya. Ak man Anut nai ilon imunanag a. Man dugo, saen an lo nai ta nalon na dugo ilo rumok amag tia yan lo nai kagin ago nigan se ya. <sup>14</sup> Ago dugo idsad Tubun ak Jesus Kristus inſan ilo munanek nai ipanag a. Aria, ilo rumok agod ilo panek a Jesus Kristus inſen ilon lo yen dan ipanag go nai idaisuda geig a. <sup>15</sup> Ninen en rumok a, an lo tinane dop ilod lo rumok a. Jesus

Kristus aupasek tamolpein patud ipasi wo tan en lo idu ya. Naiseg man fidian njiŋanaig saiaŋ geig a. <sup>16</sup> Ak man ŋai iŋsan ilo muŋanek ŋiŋane san fun man igo ya. Jesus Kristus iŋ iliad funad oŋ dan san kagin iŋ lo man tubun geig a. An niŋen o ŋai lo imug iŋsan ilo muŋanek kuai tem ikubiai panag a, an lo tamolpein a ilodi rumok dan lo kumaen pempem san diŋane wan, ŋai iŋsad tinanou igo woŋ ŋilasa ya. <sup>17</sup> Iŋ man Kiŋ pempem san. Iŋ man malad lo tile san tia yak, agod dam dimirirani san tia ya. Iŋsen Anut rumok ak mi imado da. Ago yak niŋen o pempem iŋ yaŋan tabisa dop tipitiani wa. Rumok.

<sup>18-19</sup> O nanug Timoti, gamu kubiaen ŋai ŋupano wo da. Kubiaen e ŋupano den ru a gubak mi profet adi oŋse niŋe wo dubol ilasa yan iri pani a. Wagai uyan ak gane wa, oŋane ilo rumok an wabi sakar a, agod kagin miai an tia yak mi gane wa, fun dugo, oŋane ilo sou mel ta niŋen o bube ta isue na wa. Tamolpein aenta man saen iŋaned ilo sou bubedi isue dop, patud dupani da. Kagin an san nuŋon man igo ya, iŋaned ilo rumok nek ibol wog gurgor fo dibili isuda yak igo woŋ a. <sup>20</sup> Luluŋad lo Himeneus iŋ Aleksanda da kagin ago digane tag ŋusubanaig Satan banin lo ŋidirai diau a. An ago dop afon Anut o ta dubol saian na wa.

## 2

### *Ubou leil san kagin*

<sup>1</sup> Ago yak niŋen o malmalan ŋai an ŋususunanan o da, an tamolpein fidian niŋedi wo amosiai, gu-danek, kagin panek aenta wo sumiaek, agod per panek an agane wa. <sup>2</sup> Gurman adi agod tamol

malan te yak niñedi wo dam Anut agudani wa. An lo tamol naok an diliad funad oñ dop, idsad madok igo ilasa wa. Id tamol nuñon ak igo, maror kagin lo tumado wa. Agod tamolpein malad lo tok tabol tumado wa. Agod dam idsad madok an fidian lo Anut kagin mi tiri tupani wa. <sup>3</sup> Kagin an man uyanan a, an lo Anut idaned patud pasek in malan lo man uyanan agod bulbal mok a. <sup>4</sup> Ilon yen an lo in tamolpein fidian patud ipasi wa, agod ru rumok ak san mañau diñanep in idaisuda wa. <sup>5</sup> Man dugo, Anut man inñen kisaek mi a, agod tamol kisaek mi in Anut da, agod tamolpein da, sad tamol titiñae yak igo imado da. Tamol an in Jesus Kristus mi a. <sup>6</sup> Inñen tamolpein fidian o in tinin nam naon iganeg id idad an san ru Anut lo yen da, agod inñen saen fom ilasa ya. <sup>7</sup> Man niñen o ñai bilalun tamol agod aposel iginiag a. An niñen o ñai gob adi in ilo rumok nuñon mi diñane san niñen o inñad girek mañau ñilasa ya. Ñai ru rumok ak mi ñabol da, ñai seg tinig nam ta ñusupale na da. <sup>8</sup> Amaiak niñen o ubou leil san saen lo tamol a aben fidian lo dumado dan dumosiai o ilog ibol da. In nug lo tiñae saiak tia wak, agod nug paek dam ta digane na wa. Kagin naok an digane itout gup, in Anut naon na banid gun ak diabisap dumosiai o ago digane wa. <sup>9</sup> Aria, ñai igo ñabol da, pein man biouñ nuñon mok ak mi didiri wa. Biouñ mala sek san ta didiri na wa. Damag a se pitianoï san, kululoi, ariy, biouñ naod lak tinan an fidian inñaned ilo sou lo an mel tubun ak ago dubol a. <sup>10</sup> Man dugo, biouñ dugon a pein adi Anut nanun igo wonñ dator o dubol dan iri panim, an mi didiri wa.

11 Pein man in saen manau dijanedop dutokubol pe tamol fidian paed na dumado wa. 12 Nai pein neil fu dop tamol ta dipitenanai na wa. Anut wagen lo tamol naod ta dirinani na wa, tia, in dutokubol pe dumado wa. 13 Man dugo, Anut in Adam imug iwei a. Murna gug Ewa iwei a. 14 Adam man in imug rawek lo ta idu na ya. Tia, mot in pein irawig aupasek lo idu ya. 15 Gug pein in Jesus Kristus ninen o ilon lo rumok nunon dop, nal fidian ilo panek lo, madok gun ak lo, agod kagin uyan ak lo imado tap, in san nigin lo Anut ibinawi wa.

### 3

#### *Midaen sad gurman adi*

1 Ru e dubol den rumok a. Ta in midaen gurman urat ninen o yaes ifuni tap, in urat uyanan ak mi igane wo imat da. 2 Midaen gurman man in tamol naok igo ya: aenta in ninen o ru dubol san tia ya, in iwon kisaek mi wak, in lukluk san tamol tia wak, in san kankan milaen mi wak, in san urat lo mel fidian ikubune wak, in kagin panek san tamol, agod girek manau uyanan a. 3 In you sakar ak ninen o tubun mi ta imat na wak, in banin wagai an tia wak, in mos kagin mi igane wak, in tamol maror, agod moni o yaes ta ifuni na wa. 4 In in sinanen samun an in iliai dop itirnai uyanan a, agod nanun muroun in al pe awan paen na dumado dop dal fidian lo in mi awan diri wa. 5 Man dugo, tamol a in anen samun in al pe itirnai uyanan an ta ilon na tap, in Anut san midaen dugo kagin ipani wak i? 6 Tamol an man in Kris foun ak tia ya. Kabelan in se pitiano i san kagin lo idu

banau, ago tap, mitep naon a Satan inane wan ago mi in dam inane wa. <sup>7</sup> Agod ta dam, tamolpein a idsad ar patun fo dumado dan in tamol uyanan ak ago dubol a. An tia tap, in ninen o dubol saian dop Satan san dob lo idu wa.

### *Midaen sad binawek adi*

<sup>8</sup> Tamol a ubou san binawek digane dan ninedi wo dikon tabol dan man, tamol nunon ak mi wa, awad ta raru na wak, lukluk tubun mi ta digane na wak, agod moni ninen o tubun mi ta dumat na wa. <sup>9</sup> In ilod lo inaned kankan ilok pe muruan ta yen man tia, kagin an lo gidad idaned ilo rumok, agod an san mel mianuk ak id talon uyan san ta pasauman na yan, an fidian diabi sakar dop kagin dupani wa. <sup>10</sup> In inug mi dibitinaei pe bitinaek an lo disasau tap, an mi urat an ka digane wa. <sup>11</sup> Binawek pein adi in dam pein nunon ak mi wa, agod uf ta digane na wa. In sad kankan muruan aman tiap itaot mi wa, agod mel fidian lo rawek kagin ta digane na wa. <sup>12</sup> Midaen sad binawek tamol man in iwod kisaek o lian a, ago dop inaned pein nanuk, ditirnai uyanan a. <sup>13</sup> Binawek tamol ensauta a urat digane uyan dan, in midaen malad lo inaned yanad tubun yen da. Agod in Jesus Kristus ilod lo rumok an ninen dubol o man ta direr na da, kagin an lo in ta katukadi na ya.

<sup>14</sup> Nai onsa na kitek an tap npupalu wo ilog isou dugo girek en ngire da. <sup>15</sup> Ak gug nai npupalup nilio san nal ta ibalsini kisaek na tap, girek en lo dop on id Anut anen midaen ilon lo kagin dugo won lo tanal an san, on ulon a. Midaen an man in Anut a kumaen imado dak san, agod ru rumok ak san bag

tamol igo won a. <sup>16</sup>Id mel en niñen o ilod kisaek ak, idsad ilo rumok ilon lo mel tubun ak pasauman talon san tia yak yen da:

Inj tamol mok igo ilasag,  
 Urgun inñsen mi walal te tamol itaot ak ibol  
 ilasag,  
 enjel adi dile dulon go,  
 tan titin fidian lo dubol go yau,  
 tan tilianek lo inj o ilod lo rumok go,  
 Anut inñaneg inj girager anda isida yau a.

## 4

### *Piteñanek sewak*

<sup>1</sup> Urgun inj kuai tem ibol dak man mitep tamolpein aenta inñsad ilo rumok dibisei wa. Agop ru sewak ak sad ur an awad mi kagin dupani dop, ur saiak saiak sad piteñanek an niñen o mi kududod dugure wa. <sup>2</sup> Tamol naok ago yak inj bale uraru san kagin lo ru sewak dubol da, man dugo, inñaned kankan uyan ak malan dusue ya, nek ibol mumañed yai inanig ipitiñini igo won a. <sup>3</sup> Inj nug ñanek san kagin man geg sakar digane da, agod anañ naon aenta dam diani dumoi o durupidai da. Ak man Anut anañ an fidian tani wo igane ya. Agod tamolpein a ilod lo rumok dop ru rumok dulon uyan dan, inj Anut o ilo uyan san gudanek digane yan lo anañ an ka diani wa. <sup>4</sup> Man dugo, melmel a fidian Anut igane yan man inj uyanan a. Ago yak niñen o mel a fidian tiñane dan niñen ilod uyan dop Anut naon na tugudani tap, dugo yak ta tamoi san man tia ya. <sup>5</sup> Man dugo, Anut san ru inj gudanek da lo man anañ an gun igane ya.

<sup>6</sup> Ak ninjen o onj mel an tei tao fidian naod na kubunep fulale dop man, onj Jesus Kristus san urat tamol uyanan a. Amaiak lo ilo rumok san ru, agod pitenanek uyan a uri pani dan lo, nek ibol ananj uyan ak igo wonj onse ntu futuwi da. <sup>7</sup> Ak gug am burau, nunon tia yak a pein busumak adi dupas dan umoi. Agod Anut kagin mi ninjen o maeg gane. <sup>8</sup> Fidian talonj ak tinid dabai tupani san urat man mel tubun a. Gug san binawek an man tubun an tia ya. Ago gug Anut kagin ninjen o maeg gane dan man mel fidian lo ibinawo uyan geig da. An gamu tan en lo ibinawad ak, agod murnap kumaen panu lo dam mi wa. <sup>9</sup> Ru en rumok an lo anjanep abi sakar o uyanan a. <sup>10</sup> Id Anut tinid tigane pani dan lo tau tisasau a. Inj man tamolpein fidian sad patun pasek a. Agod ensauta a ilod lo rumok nek an mi a. Kagin nek an ninjen o urat wagai mok tigane dan man fun nek a.

<sup>11</sup> Melmel an pitenanai dop ru dabai lo kubiai pidinai. <sup>12</sup> Onj pinein damag ak ninjen o, onj talpein ta ule funi dop ta ibio udu na wa. Tia, ru lo, onsa turenj lo, ilo panek lo, ilo rumok lo, agod kagin ikok ak lo dam onj inaned tinanou igo wonj mado wa. <sup>13</sup> Onj Anut san ru malak malak suti dan, agod ru fulale dan, girek manau urat an dam kagin panip yau dop naj onj sinjire na npalu wa. <sup>14</sup> Saen profet adi ru a dubol an, agod midaen sad gurman adi banid onj tini fo digane yan lo, urat san dabai Anut ipano yan onj ilo lo yen da. An lo onj ta yalis na wa. <sup>15</sup> Mel an kagin pani, an lo tini ntu fidian pani wa. Dal an lo onsa urat nunon ilasa yau onj dan tamolpein fidian dile dulonj a. <sup>16</sup> Onj se itirno dop



onjane pitenjanek dam kagin pani wa. Mel uraru en wabi sakar a, man dugo, onj ago gane tap, ensauta a onjane ru duloj dan, onse dam dida patu pasek anjane wa.

## 5

### *Pein suos inj gurman adi da sad ru kagin*

<sup>1</sup> Onj tamol a onsa busumak adi an ta pidai na wa, tia, inj onj tama igo wonj dabai panek ru lo tan suek ru rupidai a. Agod tamol a onsa bakan ak onj an, onj tei murou igo wonj kaginad gane wa. <sup>2</sup> Agod pein busumadi man onj tina igo wonj a. Agod pein baras adi man kagin uyan ak fidian lo mi lu murou igo wonj kaginad gane wa. <sup>3</sup> Pein suos a injsad muroudi tia yan onj kagin pidinai uyanan a, man dugo, inj suos pein mok a. <sup>4</sup> Gug pein suos ta inj nanun boi, tia, tubun muroun boi, aman da tap, inj muroun an inug mi kagin dupani wa. Ago tap, injaned tinad tamad tubudi an injaned kagin dupidinai an naon igo wonj a, man dugo, kagin an inj Anut malan lo uyanan a. <sup>5</sup> Pein suos a suos mok imado dan inj sen kisaek mok a. Suos naok an Anut lo injanen ilo rumok yau itutou da. Inj pempem imosiai dop imado da, tidom ad ago Anut san na mi igudani da. <sup>6</sup> Ak gug, pein suos a injsen ninjen o mi ilon isou dop imado dan, kumaen imado bo man imat la ya. <sup>7</sup> Ru kagin ago rupidai a. An lo tamolpein aenta injsad kagin ninjen o ru ta dupidinai wa. <sup>8</sup> Gug enti a inj muroun kagin ta ipidinai na dan, inj ilo rumok san dal ibisei a. Talpein naok an man saian mok a. Injsan kagin man gob adi sad kagin saian an irinjani geig a.

<sup>9</sup> En man pein suos sad tom. Pein suos a in anajar 60 irinani an, agod in tamol kisaek san iwon an, ninen o on suos naok nek an mi in yanjad gire wa. <sup>10</sup> Pein suos an in midaenj malad lo yanjak igo yak da wa. Wagam in urat uyan uyan ak igane se ya. In nanun muroun adi itirnai dugo, ananj melmel tamol gol ak ipidinai na ya. In Kris adi njied ifulani dugo, tamolpein muruan amad da yak ibinawai se ya. On pein naok ago yak mi yanjan gire wa.

<sup>11</sup> Gug pein suos tinid foun an gidad busawai. Man dugo, saen in Kristus patud dupani man, tamol foun ak dusu wo ilod imasa da. <sup>12</sup> Injad promis a imug mi Kristus dupani an gigin na digane ya, ago yan lo Anut san bitinaek an sed tinid lo digane da. <sup>13</sup> Kagin taidam igo digane da. In yalis san kagin amad da ya, an lo ab ab dudu disida on da. An mi tia, tia, tamolpein aenta insigned mel digane wo dubol dan, in njinedi wo patud fo paek ru dubol saian da, agod ru a dubol san tia yan dam dubol da. <sup>14</sup> Amaiak ninen o naj ilog ibol dak man, suos tinid foun ak in tamol ka dinane wa, nanuk digansi dop, inaned ab, inaned abed ditirni wa. Agop idsad ager Satan dal ta lo ru saian ipidinai san ta ile na wa. <sup>15</sup> Ule, aenta dal uyan ak diapiltig, Satan san dal duri da. <sup>16</sup> Ilo rumok pein ta inanen muroun adi lulunjad lo pein suos aenta dumado tap, in sen mi ibinawai a. An lo midaen in muruan ta ipani na wa. An lo dop pein suos adi mok, a muroudi tia yan mi kagin ipidinai a.

<sup>17</sup> Midaen gurman ensauta a midaen tirnek san urat digane uyanan dan, teil dop inaned naon

bugagaru diñane wo man uyan a. Tamol adi nek a in ru dufulale dan, agod girek manau urat digane dan mi niñedi wo ñabol da. <sup>18</sup> Anut ru buk lo yen dak ago ibol, “Saen makau kon nuñon irni dop, awan fou umoi.” Nek ago mi, “Urat tamol man, inñanen urat naon inñane mok a.” <sup>19</sup> Tamol ta gurman a kagin saian igane yak ago ibol dan, niñen o kudo ta gure na wa. Ak gug talpein uraru, tia, tamol utol, nug dususunani tap, inñad ru an oñ ka ulon a. <sup>20</sup> Matu gurman adi au dupas dan, fidian malad lo kuai te rupidai a. An lo dop gurman aenta in dam direr dop aupasek niñen o sen dilasa wa. <sup>21</sup> Ulon, Anut, Jesus Kristus, agod eñel pilianek adi naod na ñai kubiaen en oñ ñupano da. Oñ kubiaen an fidian uri pani wa. Saen oñ kubiaen an uri dop, talpein enti niñen ilo ta isou na wa, tia, kagin kisaek mi tamolpein fidian pidinai a. <sup>22</sup> Oñ ririan mi tamol ta Anut urat igane wo bani tinin fo ta gane na wa. Moi dop inñsan madok bitinae ule gup a. Oñ talpein sen ak san aupasek ta lo ladu na wa. Oñse tini kagin panip, gun mado wa. <sup>23</sup> Taida mi, you kawan mi ta uluk na wa. Tia, wain kitek dam uluk dop, an lo oñsa tiñae ibinawi dop subam wei mi ifuno dan kute ibol a.

<sup>24</sup> Tamolpein aenta sad aupasek walal te yen da, agod aupasek an imug mi Anut san kot lo ilasa wa. Ak man tamolpein aenta sad aupasek imianuk yen dan, murna dop walal te ilasap tile wa. <sup>25</sup> Nek ago mi, kagin uyan uyan ak walal te dien da. Ago gug kagin uyan a gamu dimianuk dien dan, dimianuk dien san tia wa.

## 6

### *Urat bigabeg sad ru kagin*

<sup>1</sup> Ensauta a urat bigabeg dumado dan inaned urat gurman awan kagin dupani uyanan a. An lo talpein ta Anut yañan, agod idsad piteñanek an niñen o ta ibol saian na wa. <sup>2</sup> Urat bigabeg adi a inaned gurman ilo rumok amad da yan, in teid taod igo yak niñen o awad duparsisali san tia wa. Tia, urat lak na mok digane wa. Man dugo, gurman a inñsad urat san nuñon diñane dan in ilo rumok adi mok a, ago dop bigabeg adi an inaned gurman o dumat a. On kubiaen an piteñanai dop in an lo duri dupani wo duduwai a. <sup>3</sup> Talpein ta piteñanek sen ak tamolpein irupidai dop, ru uyan ak a idsad Tubun ak Jesus Kristus irupaiad an niñen o, agod piteñanek a Anut kagin iri pani dan niñen o dam, ilon ta kisaek na tap, <sup>4</sup> tamol an in se pitianoï san kagin tinin inañefute ya. In mel ta ilon na ya. Inñsan kankan subam anda ya, sumiaek naon sensen ak, agod ru lo nug funek san kagin an niñen o tubun mi imat geig da. Kagin naok ago yak lo mala sek, nug funek, uf ru, turan niñen o ilo saiak san kagin an dilasa ya. <sup>5</sup> Inñsad ru bilabol an nuñon tia yak lo, tamol a in ilod iburkaruk idu dan, agod in lo ru rumok ta yen na dan, nal fidian nug dupei da. Tamol amaiak ilod lo, Anut kagin diri dan lo tan en san filian diñane san dal man nek amaiak ago dubol. <sup>6</sup> Gug id melmel a idsad madok san niñedi wo katuk ad tia yak, agod Anut kagin an tiri tupani dak ago tap, an nuñon uyanan ak tubun mi idsad madok lo igane ilasa wa. <sup>7</sup> Man dugo, tan en lo id mel ta tisinig tilasa man tia ya. Nek ago

mi, tan en tibisei wo dop mel ta tisinip tau san tia wa. <sup>8</sup> Ak niñen o, id anañ biouñ amad da tap, man igo tabol, an id o nek idaisuda ya. <sup>9</sup> Ak man talpein tan en san filian diñane wo ilod ibol dan, ilo ñanek san kagin, dob igo won, lo disidag diau dudu da. Inj ilod imasap kagin burau wei mi an digane da, an lo inşed tini madai sensen ak dupani da. Kagin an lo inşed malad dusuep daon panek lo diau dudu wa. <sup>10</sup> Man dugo, tamolpein moni ilod dupani san kagin man, kagin sisaiañ wei mi sad fun. Ago man, aenta moni niñen o yaes ifu dan lo ilo rumok san dal dibiseig dideg diau a. Dal an lo nek ibol saen wei mi sabiri nam sed tinid dusue dak igo won, inñaned bube madai wei mi nam malan dusue da.

*Pol Timoti kubiaen san ru wadan ipani a*

<sup>11</sup> Ago gug, on man Anut san tamol mok a. An lo dop kagin an fidian on patu pani wa. Kagin itaot, Anut kagin, ilo rumok, ilo panek, utur sakar san kagin, agod mos san kagin, kagin naok an man onsa bube san kob uyanan a. <sup>12</sup> Idsad ilo rumok san wagai uyan ak gane wo uyanan. On kumaen pempem san ñane wo Anut igio ya, agod saen ilo rumok adi wei mi naod na onsa ilo rumok an ubol ilasa dugo dulon an san saen lo, on kumaen an ñane ya. Aria, kumaen an wabi sakar a. <sup>13</sup> Anut a mel fidian kumaen ipidinai dan naon na, agod Jesus Kristus a Pontius Pailat naon na itur dugo inşen niñen o ru rumok ibol ilasa yan naon na dam, <sup>14</sup> ñai ru dabai nam on kubiaen an kagin pani uyan mok o ñabol a. Kabelan mel ta nun anda yak ilasap an lo tamolpein malad lo kubiaen an saian dubol banau. On ago ganep yau dop idsad Tubun

ak Jesus Kristus imul ipalu wa. <sup>15</sup> Kulob an man inanen saen fo mok Anut kuai tem iganep ilasa wa. Insen mi uyanan mok, idsad Gurman kisaek o lian a. Inj mi kinj sad Kinj, agod tamol tutubu yak sad Tubun a. <sup>16</sup> Insen mi ta imat na wa, lilaman a sinjiren na id tau san tia yan lo imado da, agod tamol ta inj ile man tia ya, ta inj ile san dam tia ya. Awo, yanjak tubun ak inj tupanip, tuon dabai ak pempem san dam inj lo imado wa. Rumok

<sup>17</sup> Onj tamolpein a tan en san filian wei mi amad da yan ru kagin igo rupidai a, inj aenta dirinjanai ak ago dubol dan san kagin lo dumado dutor man tia wa. Inj tan en san filian ninjen o dam tini ganei ta digane na wak ubol a, man ata wo, insad filian an pasauman mok ka dideg diau a. Tia, inj Anut mi tinid digane pani wak ubol. Man dugo, Anut melmel id malad lo bulbal mok an fidian ilo uyan san wei mi ipanad a, agod an id o idaisuda mi a. <sup>18</sup> Inj urat digane uyan ak ubol a. Inaned filian mok man, tan en san biouj tia ya, tia, kagin naok naok uyan an digane san mi ak ago rupidai a, agod mel uyan uyan wei mi tamolpein a mel ta lo katuk amadi an dipidinai o tawanj digane wa. <sup>19</sup> Dal an lo inaned filiadi bageu san fod lo dutumanig yen da. An man nek ibol saen a sumeik ipani dan san kadañ dimirirani san tia yak igo duguni a. Ago dop lo kumaen a kumaen nunjon mok an ka diabi wa.

<sup>20</sup> O Timoti, mel a gubak mi onj bani lo njigane yan kagin pani. Ninjen a Anut kagin san ager imado dan, agod ilo sou a pitenjanek itaot ak ninjen o ipirgini dan man, yanjan “manjau” ago dubol dan ninjen o onj sen lasa wa, man dugo, insad ru an

sewak mi a. <sup>21</sup> Aenta inɁ maŋau sewak a lo leil  
dupani an lo ilod lo rumok san dal diabpilti a.  
Anut san ilo panek aŋ fidian da ka amado wa.

**Anut san bilalug foun**  
**The New Testament in the Takia Language of Papua**  
**New Guinea**  
**Nupela Testamen long tokples Takia long Niugini**

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

---

PDF generated using Haiola and XeLaTeX on 22 Feb 2024 from source files dated 31 Aug 2023

757b3e4e-2023-5b45-893a-ee9294ddeb9d